

# NY VAVAHADY sy NY LALANA

Ankoatra ny finoana an'i Jesoa Kristy sy ny fibebahana, ireo ôrdônansy sy fanekempihavanan'ny fisoronana dia mametraka antsika eo amin'ny lalana mankany amin'ny fiainana mandrakizay sy manome antsika ny hery ilaintsika amin'izao fotoana izao.

I sika rehetra dia mikatsaka ny fiainana mandrakizay, izay midika hoe voavonjy sy nasandratra amin'ny ambaratonga ambony indrindra ao amin'ny fanjakan'ny lanitra, izay toerana ahafahantsika miaina miaraka amin'ny fianakaviansika eo anatrehan'ny Ray any an-danitra.

Ireo ôrdônansy sy fanekempihavanan'ny fisoronana dia mamela antsika hiditra amin'ilay lalana izay mitondra any amin'ny fiainana mandrakizay. Na oviana na oviana nidiranao tamin'io lalana io ary na aiza na aiza no misy anao eo amin'izany lalana izany—na teraka tao am-piangonana ianao na niova fo taty aoriana, na nazoto foana ianao nandritra ny fiainanao na vao niverina nazoto vao hain-gana—dia afaka mivoatra eo amin'izany lalana izany ianao rehefa mifantoka amin'ireo fanekempihavananao sy ny zavatra azonao atao mba handraisana sy hanajana azy ireny.

Ary zava-dehibe ny mahafantatra fa ireo ôrdônansy sy fanekempihavanan'ny fisoronana dia tsy manome fampantenanana hahazo ho avy feno voninahitra fotsiny ihany. Izy ireo koa dia manome ny tanjaka, sy fankaherezana, ary fanohanana izay ilaintsika amin'izao fotoana izao mba hahafahantsika manaraka ilay lalana sy maharitra hatramin'ny farany amim-pahamarinana. ■



"Ny fahefan'ny fisoronana ao amin'ny Fianganana no hanatanterahana ireo ôrdônansy sy fanekempihavanana masina izay mamehy ny fianakaviana sy mahatonga antsika tsirairay avy

ho mendrika ny **hiverina any amin'Andriamanitra, ilay Ray sy i Jesoa Kristy** ao amin'ny fanjakana selestialy. Mitondra fiadanana ireo ôrdônansy ireo satria fanekempihavanana miaraka amin'ny Tompo izy ireo."

Loholona Quentin L. Cook ao amin'ny Kôlejin'ny Apôstôly Roambinifolo, "Fiadanana'ny Tena Manokana: Valisoa avy amin'ny Fahamarinana," *Liahona*, Mey 2013, 34.



BATISA



Fanasan'ny Tompo—fanavaozana isan-kerinandro ny fanekempihavanana tamin'ny batisa

FANOMEZANA NY FANAHY MASINA

LALANA MITONDRA MANKANY AMIN'NY FIAINANA MANDRAKIZAY (FAHARETANA HATRAMIN'NY FARANY)

Jereo ny 2 Nefia 31

IREO ÔRDÔNANSY SY FANEKEMPIHAVANANA ILAINA FANAVAOZANA SY FANAMAFISANA IREO ÔRDÔNANSY

Tsodranon'ny patriarika—fitarihana miavaka ho an'ny tena manokana sy fitahiana nampanantenaina



FANOMEZANA NY FISORONANA SY FANENDRENA HO AMIN'NY FISORONANA (HO AN'NY ZATOVOLAHY)



FANAFIANA MASINA ANY AMIN'NY TEMPOLY

Tsodrano ho an'ny marary—fanampiana sy fanasitranana



FAMEHEZANA ANY AMIN'NY TEMPOLY

Tsodrano omen'ny raim-pianakaviana sy tsodrano hafa fankaherezana sy mifono torohevitra—fiadanam-po sy fitarihana rehefa ilaina izany



FIAINANA MANDRAKIZAY (FANJAKANA SELESTIALY MIARAKA AMIN'NY FIANAKAVIANA)



"Miaro antsika sy manomana antsika mba hanao ny asan'Andriamanitra eto amin'izao tontolo izao ny fijanonantsika eo amin'ny lalan'ireo fanekempihavanana sy didy ary ôrdônansy."

Loholona Robert D. Hales ao amin'ny Kôlejin'ny Apôstôly Roambinifolo, "Mitsangana sy Miorena eo amin'ny Toerana Masina," *Liahona*, Mey 2013, 49.



"Rehefa mandray anjara amim-pahamendrehana amin'ireo ôrdônansin'ny fisoronana ianao, dia hanome anao hery, sy fiadanana, ary fomba fijery mandrakizay bebe kokoa ny Tompo."

Loholona Neil L. Andersen ao amin'ny Kôlejin'ny Apôstôly Roambinifolo, "Hery ao amin'ny Fisoronana," *Liahona*, Nôv. 2013, 95.